

輿地志十二

湖北通志卷七

山川七

荆門直隸州今改縣

漢水自安陸府鍾祥縣界南流入荆門州界安陸府志漢水過安

陸府城南流六十里至石牌鎮入荆門州境至沙洋渡口東流一

百里入京山縣境清一統志漢水在州東九十里自州之馬良山至沙

洋新城蕭家口濱漢為塘州志漢水南經石牌鎮東稍南折東南流

至沙洋鎮水道提綱

權水源出州西東流逕州南又東流至鍾祥縣界清一統志源出州西

蒙山逕太子岡為曹將軍港逕內方山流逕古權城又東入漢舊安

陸府志

建水在州東南今名建陽河一名大漕河源出龜山南流入江陵

志十二

輿地十二 山川

縣長湖清一統志建水在南郡北角田村去城一百餘里寰宇記

直江在州東南一百六十里清一統志南流入潛江縣界平塘湖達三

湖以合沔水明一統志直江有渠溉田百頃長而且直又名直渠古綠

麻縣及新城俱設於此名勝志

竹陂河在州東五十里東流入漢嘉慶志

滕河在州東南一百里一名藤湖嘉慶志

象河在州北七十里源出象河山東流入漢嘉慶志

官堰河在州北一百里源出眼臺山東流入漢清一統志

喬母湖在州東南七十里清一統志案嘉慶志及

小江湖在州東南一百里嘉慶志又馬良湖在小江湖西北州志

借糧湖在州東南一百六十里案州志作二百里嘉慶志作二百二十里周廣二十里

中有九十九清一統志



長湖在州東南二百里南岸隸江陵北岸屬州境周百餘里視諸

水爲險州志互詳江陵

寺汭湖在州東南二百里青塚村清一統志

藻湖在州南一百三十里有後港合諸陂澤水東流入焉清一統志案

嘉慶志州志均作東南

雞鳴澗在州北一百二十里接宜城縣界清一統志

夾港在州東九十里三港夾流入漢水州志

楊樹港在州東南二十里嘉慶志

馬仙港在州東南一百三十里嘉慶志案州志作百二十里

穀田港在州東南一百三十里有二源州志

後港在州東南一百四十里卽古長林縣治有市乾隆間州牧舒

成龍建漕倉行署民甚便之州志

志十二

輿地十二 山川

二

白石港在州東南一百四十里發源沙洋出么口州志

樟木港在州南一百四十里發源二程廟州志

孟子港在州西南五十里嘉慶志唐孟浩然嘗往來於此明一統志源出

虎牙關流逕建陽驛入三湖舊安陸府志

毛家潭在州東南一百三十里昔大旱偶涸見一墓碑記云襄水

西三十里今僅隔一隄在新城南里許州志

白龍潭在州西蒙山北一里潭有白龍見則雨歲必豐清一統志

蒙泉在州西蒙山下清一統志在軍城西硤石山之麓南曰蒙泉西北

曰惠泉每晝夜兩湖水溢數寸輿地紀勝蒙泉水常寒惠泉水常溫宋

知州彭乘爲三沼延其流至竹陂河入漢明一統志唐李德裕

洵詩泉源何從來山下長溪發悠然本無營誰使自激冽茫茫九地底大小浮一葉使水皆爲泉地已不勝泄應是眾水中獨不容至潔涓涓自傾瀉奕奕見清澈石泓靜無塵中有三尺雪下爲百丈溪冷不受魚鼈脫衣浣中流解我雙足熱樂哉泉上翁大旱不

知竭蘇軾詩泉源從高來走下隨石脉紛紛白沫亂隱隱蒼崖折彎回成曲沼清溪見肝膈瀉瀉為長溪奔馳蕩蛙國初開不盈
致雷雨灑灑吐寒碧遂令山前人千古灌稻麥

龍泉在蒙惠二泉間乾隆間州牧舒成龍開州志

順泉在蒙山尾宋彭乘知軍時開久淤塞乾隆間州牧舒成龍修

溶書順泉字鐫石壁以其地為老萊子隱處也州志

珍珠泉鏡鉢泉大翻泉小翻泉潭泉五桂泉均在州西北仙居寺

西山內又靈泉在仙居寺州志

南泉在州北二十里源出靈鷲山灌田千頃清一統志

天井池在州蒙山西距蒙泉十五里水行地中與白龍潭相通清一統志

響井在州北街旁有石巖汲井響如鼓清一統志

義井在州北三里元至順間州守田温鑿清一統志

志十二

輿地十二 山川

三

當陽縣

澧水在縣東清一統志漳水又南澧水注之水經澧水出東北宜諸山

南流注於漳水山海經案清一統志云水經注所言澧水以其地考之河溶東南洋子港流花堵界溪港諸水當

是

玉泉水在縣西南俗名金龍池在玉泉寺階東其東翠寒山下珠

泉出焉每鼓掌泉如串珠而上西流與玉泉合折而東逕已公嶺

又東逕縣城合沮水清一統志

沮水在縣北自遠安縣東南流逕縣北又東南流逕縣東合漳水

入江陵縣界清一統志沮水南逕臨沮縣西青溪水注之又屈逕其縣

南又東南逕當陽縣故城北又東南逕驢城西磨城東又南逕麥

城西又南逕楚昭王墓又南與漳水合又東南逕長城東水經沮

與漳合俗名河溶舊安陸府志

漳水在縣東北自南漳縣南流逕縣東又南合於沮水清一統志漳水

南歷臨沮縣之章鄉南又南逕當陽縣又南逕麥城東於當陽縣

之東南百餘里而右會沮水水經注漳水出沙倒灣入沮水舊縣志

沱江在縣東南一百二十里接荊州府枝江縣界大江分流東與

沮漳合清一統志縣境之沱江即沮漳二水下流蓋水合勢盛故有沱

江之名水利考案大江北派為沱江此以為沮漳下流似誤

金沙灘在治南一百二十里流沙如金沱江之灘也山海經曰沮

漳之淵有神鼉其狀人面羊角虎爪出入有異光殆謂此也今治

南十餘里亦有金沙灘沮水之灘也未知孰是圖書集成引舊志

石龍灘在縣北一百里方冬水淺聲如瀑布舟人於石罅架木為

梁拽舟乃得上為漳水第一險處圖書集成引舊志

天津湖在縣東南沮漳合流匯而為湖又東南有滋泥湖菜湖清一

志十二

輿地十二 山川

四

統志

清溪在縣東源出廣福山南流入漳水嘉慶志

子胥港在縣東南麥城磨城之間一名胥寓港清一統志

昭溪港在縣北相傳楚昭王返國與宮女濟此縣志

金龍潭在縣北二十五里清一統志宋徽宗時建明堂來取此水投金

龍鎮其中故名胡安國故居在其上明一統志潭旁有別流名紅泉舊縣志

志

熨斗陂在縣東南八十里綠林山之水與縣東六十里圓臺山之

水會為熨斗陂方輿紀要

丹井在縣南八十里紫蓋山晉葛洪鍊丹處又名扳倒井其水不

竭視之皆然莫測圖書集成引舊志

淬劍池在縣北四十里地近昭溪港村落皆以鍊鐵為業古墩尚

存清一統志

遠安縣

沮水自南漳縣入遠安縣境合溪谷諸水東南流至當陽縣境方輿紀要沮水又東南逕汝陽郡北即高安縣界水經注

規水在縣北八十里源出雞頭山石穴中土人以竹木為規引水

灌田故名清一統志

通天樓河在縣西二十里源出通天樓洞東流入沮水又四十里

有香橋河源出百井山又石洋河在縣北源出縣西二十里之甘

霖洞環城西北二里許東入沮水清一統志

五里河在縣北五十里河源有二俱出南漳紫山一從山南五六

里入境一從山北六七里入境二水相合南折為五里河荆門州志

神通河在縣西北八十里源出西山岩洞南流入斷江河又西南

志十二

輿地十二 山川

五

至夷陵入江圖書集成引舊志

九子溪在縣東十里源出茅坪西流入沮水州志

白龍溪在縣東十五里源出老龍洞流逕舊城東南入沮水又東

十五里有泥水溪亦出山穴西入沮水清一統志

桃李溪在縣南十里由王家河入沮水州志

青溪在縣西南鬼谷洞東一作清溪清一統志水出縣西青山山之東

有濫泉即青溪之源也其水導源東流以源出青山故以青溪為

名泉側多結道士精廬焉又東流入於沮水水經注清溪在縣南六

十五里鬼谷先生傳云楚有清溪下深千餘仞其水靈異寰宇記

璞詩青谿千餘仞中有一道士雲生梁棟間風出窗戶裏借問此阿誰云是鬼谷子翹跡企頽陽臨河思洗耳聞闔自南來潛波渙鱗起靈妃顧我咲粲然啟玉齒蹇修時不存要之將誰使

鹿溪在縣西北十五里水經七曲土人開溝引規灌田甚多為小

河水之一州志

靈水溪在縣西北十五里源出山洞有深潭以石投之作金鼓聲

東至談家渡北合沮水清一統志

瀟溪在縣北五十里源出老龍洞數里外又有龍潭二水環繞蟠

龍山長流不竭灌田無數州志

福河溪在縣東北四十里源出福河寺山洞西流入沮水土人引

以灌田亦小河水之一州志

鳳凰洲在縣北鳳凰山下舊志云唐韋皋作令時鳳集於此故名

清一統志案唐書皋未嘗令遠安惟韋丹曾選峽州遠安令以讓其庶兄亦不知其庶兄為誰也

龍潭在縣西南十餘里清一統志

濫泉在縣西青山清一統志臨沮縣青山東有濫泉口徑數丈其深不

測其泉甚靈潔至於炎陽有亢陰雨無時以穢物投之輒能暴雨

志十二

輿地十二 山川

六

水經注

仰天池在縣西北一百三十五里清一統志

義井在縣北舊治前清一統志

江陵縣

江水自枝江松滋二縣界又東入江陵縣界清一統志江水又東過江

陵縣南又東至華容縣西夏水出焉又東南當華容縣南漏水出

焉水經注江水自枝江縣過松滋縣入江陵縣界逕鴨子口龍洲新

淤洲新泥洲凡二百里抵二聖洲入公安縣界舊荆州府志江水自枝

江縣境東流入江陵縣界北岸逕萬城隄南江中有下百里洲枝

迴洲龍洲又東四十五里筭箕窪即今沮口也沮漳二水合流自

西北來注之東南五里逕江陵縣治西南又十里逕沙市鎮南舊

有同知通判巡檢各一駐焉又十里窰灣又五里蝦子溝又十五

里觀音寺江中有洲長十里又十五里文村有夾又東南十五里馬家寨又東南三十里逕郝穴南舊有主簿駐焉又東南二十五里蕭子淵入石首縣界其南岸自松滋縣澧市東入江陵縣境四十里至虎渡口東北距江陵縣治二十五里舊有巡檢駐焉江水支流南為虎渡河又四十里入公安縣境由此南入湖南安鄉而入洞庭湖正流自虎渡口東三十里至沙市鎮南江中有洲曰窖金洲又東南二十五里入公安縣境采訪冊案清一統志云江水至此分而為南北江寰宇記百里洲首派別南為外江北為內江王晦叔云百里洲夾江沱二水之間其與江分處謂之上沱與江合處謂之下沱蓋南江在古時為岷江之正流江陵縣西南二十里有虎渡口南江從此東南流注於澧水而北江則沱水也其後北江漸盛南江漸微世反以南為沱北為江矣監利王柏心導江三議亦主南江之說而水道提綱則謂江至虎渡口北南岸有支津南通公安諸湖水蓋據今水道而言也

夏水在縣東南東流入監利縣界一名長夏港又名魯泚江又名

志十二 輿地十二 山川 七

大馬長川清一統志華容夏水首受江東入沔行五百餘里漢書地理志夏

水出江陵縣東南江津豫章口東有中夏口是夏水之首江之汜

也水經注盛宏之云夏首又東二十餘里有滑當浦之誤口二水之間謂

之夏洲首尾七百里郭仲產云此水冬塞夏通因名夏水也寰宇記

涌水在縣東南自監利縣流入夏水支流也俗名乾港河清一統志江

水又東涌水注之水自夏水南通於江謂之涌口春秋所謂閭敖

遊涌而逸者也水經注涌水在郡華容縣左傳杜預注江陵城東南五

十里有涌水源東行百餘里會於江寰宇記案清一統志嘉慶

乾隆府志與光緒縣志俱未之及殆以其為夏水支流耳然水經

云江水東南當華容縣南涌水出焉春秋釋例涌南郡華容縣南

出自江則以為夏水支流未審

沮水在縣西自南漳縣流入遠安縣界又南入當陽縣界合漳水

南至荊州府西入江清一統志沮水自遠安縣南流至當陽縣河溶市

合漳水至江陵入江其入江處曰兩河口即沮口也

舊荆州府志案清一統

志謂沮水舊分二支一支自江陵入江一支自枝江入江枝江之流明萬曆二十五年因沮水泛溢登堵塞之沮水遂逕從江陵入江其塞處謂之瓦朗河府志謂沮水近由筲箕窪入江又名小河口

靈溪水在縣西

清一統志

荆州記大城西九里有靈溪水

文選游仙詩注引

水北合靈溪水無泉源上承散水合成大溪南流注江江谿之

會有靈溪成

水經注

案清一統志云舊志監利縣西北有靈港閣本作靈溪似監利亦有靈溪水但觀江水逕江陵下即至華容

閣下文揚水本在江陵而華容靈溪水注之則靈溪乃在江陵為上流至監利其下流耳實非二水舊志別出靈港水誤也今考鄺氏於江水沔水二篇各敘靈溪水不言通流入江之靈溪在江陵西其水南流通赤湖之靈溪下入華容在江陵東其水東流源委各別明係二水通鑑晉隆安三年桓元襲殷仲堪乘勝至零口去江陵二十里即江陵東靈溪之口也清一統志說未審

揚水在縣北

清一統志

江陵紀南城西南有赤阪岡岡下有瀆水東北

流入城名曰子胥瀆又東北出城西南注於龍陂水又逕郢城

志十二

輿地十二 山川

八

南東北流謂之揚水又東北路白湖水注之又東歷天井北又東

北流東得赤湖水口又東入華容縣有靈谿水北流注於楊水

注今水由郢城北入於海子

江陵志餘紀山北會紀南諸水出板橋逕龍陂

案府志攷楊水發源於

入海子又引劉士璋江陵縣志刊誤謂此楊水源流與太暉港之水發源紀山八嶺山以西者源流各別二水至關沮口西北合流入於長湖非楊水西源也

了角廟河在縣東七十里自漢江分流入安陸府潛江縣界夜汊

口至了角廟入境分二派一流入瓦子長湖一南流匯諸湖水入

監利縣界又東五里為浩子口河

清一統志

沙市河在縣東南十五里俗名便河詳見漕河

府志

明袁中道詩十里濃陰路殘

鶯佐酒卮過橋添柳色近岸損花枝頗憾舟行疾偏嫌月上遲天皇蘭若在披草覓遺碑

城河

即琴河

在縣東南四十里東南會郝穴化港諸水東北合白瀆

諸陂澤下匯三湖附近安興港相傳古安興縣地也故曰城河

府志

按縣志縣東境東南境有渠子河受龍灣諸湖陂水下達楊水
輒橋河洩巢婆諸淵水匯於三湖鐔長到河古名麻田江相傳
鶴穴口未塞時為江水支流

白河在縣南見朱子曲江樓記今無考府志案縣志白河白石
馬頭江水灌入今已没入

江矣

虎渡河在縣西南二十里龍洲南岸大江逕此分流南至公安縣
界東西港口會孫黃河便河之水東過焦圻一箭河至港口入洞

庭即禹貢所謂東至於澧是也輿地紀勝有虎渡隄在大江南岸

後漢時郡境猛獸為害郡守法雄合毀去陷窳害遂息江陵志餘
作虎遂渡

去又曰或云孝子施宜生過此宋乾道四年寸金隄決江水齧城

帥方滋使人決虎渡隄以殺水勢七年漕臣李燾復修築之清一
統志

案此尚據昔時水道而言今則形勢大異湖南之安鄉華容等
縣濱湖淺淤化為平陸數百里光緒季年且增設南州一廳於是

志十二

輿地十二 山川

九

虎渡河雖南通於澧而去洞庭湖遠矣又府
志謂後漢書法雄傳有虎息事無虎渡河語

漕河在縣北自荆門州流入至城東北名草市河至城東南沙市

名沙市河亦名龍門河清一
統志江陵府城下漕河乃晉元帝時所鑿

自羅堰口入大漕河由里社穴沌口沔水口直達漢江方輿勝覽
案清一

統志云江陵先有大漕河在縣北晉書杜預傳舊水道惟沔漢達
江陵千數百里北無通路預乃開楊口起夏水達巴陵內瀉長江
之險外通零桂之漕是為大漕河今荆門州之建陽河是也其上
流亦淤不能通漢而下流匯為瓦子湖至宋元嘉中所開乃東城
下漕河又入於大漕河者也宋端拱元年閩文遜奏開東漕渠自
獅子口入漢達於襄陽天禧末尚書郎李夷庚濬古渠達夏口以
通賦輸後諸口多淤塞今漕河上流僅自紀山通草市名太暉港
與大漕河不相通矣宋志又云高季興於城西柳門及子城置倉
開漕高從誨以龍山門迎城開白到河入城西北向東漕河此又
縣西別開之漕河也今無考又光緒府志載江陵劉士璋漕河辨
云新府志謂漕河在城北無考又光緒府志載江陵劉士璋漕河辨
於瓦子湖注陽水引晉書杜預傳以漕河即預所開水經注宋元嘉
中通三湖注陽水引晉書杜預傳以漕河即預所開水經注宋元嘉
陽河是已至杜預所開州城北漕河則祝氏方輿勝覽所云晉建
而達襄陽所及者遠荆州城北漕河則祝氏方輿勝覽所云晉建
武初始開自羅堰口出大漕河由里社穴以達襄漢者其原委皆

別未可牽合爲一也攷荆門州志建陽河在州南一百一十里河之南有左溪源出九汭谷石牛寺二水自西而東同注於十回橋河又紆回七八十里入於關沮口下流之太白湖上通城北下通陽沔未入湖處有洛陽口南距三海不遠洛陽於義無取志書皆無此口疑卽羅堰口之訛此水秋冬不涸百石之舟自城北可達十回橋新府志謂上流已淤而不知十回橋河之卽建陽河也荆門州志亦誤謂建陽河自龍陂合白中昏官三湖水羅堰口舊荆指定何處惟縣志以隸荆門似有會於此第沿新府志杜預開漕河之說遂以祝氏所述舉而屬之預則更誤矣或疑陽口開自杜預水經注源流具載建武初漕河入漢不應紆道數百里不知河與口開塞無常河在宋時三十年中一沒於端拱再浚於天禧晉建武初距平吳時三十八年陽口必已塞故漕河不由此入漢宋元嘉中通三湖注陽水陽口必又開新府志引水經此條謂修預故道尙可從故水經注具載之耳案水經作陽口後乃胥作揚

三海在縣東北方輿紀要江陵以水爲險孫吳時引諸湖及沮漳水浸江陵以北地以拒魏兵號爲北海孫皓時陸抗命江陵督張咸築大堰遏水以絕寇叛唐貞元間曹王皋爲荆南節度始塞之蓋卽北海也五代周時高保融復自西山分江流築大堰亦名北

志十二

輿地十二 山川

十

海宋紹興間李師夔櫃上下海以遏敵開禧中守臣劉甲再築上中下三海淳祐中孟珙兼知江陵修復內隘十有一別築十隘於外引沮漳及諸湖水注之三海遂通爲一又隨其高下爲八櫃綿互數百里遂爲天險金人常犯荆門距江陵百里而去以有海櫃之險也舊志三海俗名海子八櫃俗名九隔今九隔嶺諸處卽古水櫃之遺也府志參江陵志餘

鶴澤在縣西清一統志羊祜鎮荊州嘗於澤中取鶴教之翔舞以娛賓

客名勝志

五葉湖在縣城內古渚宮地府志荆南志昔湖側有土人張被五葉

同居故名寰宇記

東湖在縣東門外五里宋張商英種蓮建佛華寺與名賢泛賞其

間廣袤數里清一統志

柘林湖白沙湖俱在縣東十里近沙市多魚利府志

象湖在縣東三十里府志

玉湖在縣東五十里府志湖側有玉壺寺甚幽勝采訪冊

三湖在縣東八十里清一統志嘉慶志均無里數今從府志荆州記江陵城東有三

湖廣數十里倚北湖倚南湖蓼臺湖皆其一隅清一統志龍陂水又東

北流路白湖水注之湖在大港北港南曰中湖南隄下曰昏官湖

三湖合為一水東通荒谷水經注

紅馬湖在縣東一百里上承三湖下入白鷺春夏水漲浩淼無涯

清一統志

白鷺湖在紅馬湖南上承長夏港水東流南曲襟帶民居唐大厯

中王栖霞隱此清一統志案此湖今半屬江陵半屬監利

夾湖在縣東南四十五里又離湖一作泥湖在縣東南七十五里今離

志十二

輿地十二 山川

十一

湖橋猶存故名江陵志餘

潭子湖在縣東南一百二十里對岸有新淤洲府志

南湖在縣南三里唐鄭審謫江陵構亭其上杜甫寄詩云南湖日

叩舷即此又礮台湖蝦蟆湖在縣南三十里百子湖小塘湖在縣

南四十里清一統志

大金湖在縣西南五十里清一統志

西湖在縣西十里近秘師橋今日達王湖有芻蕘之利又子城西

亦有西湖則故遼邸別墅也江陵志餘

高沙湖在縣西二十里施氏府志在枚迴洲上寰宇記湖中多魚渚宮故事

打不動湖在縣西北湖周百里吐納沮水天鵝池逍遙湖乃其餘

浸今沿湖已成膏腴縣志

後湖在縣北府志唐元稹詩荆有泥濘水在荆之邑鄆鄆前水在後謂之為後湖環湖十餘里歲積潢與汚臭腐魚

鼈死不植菰與蒲鄭公理三載其理用煦愉歲稔民四至隘屢亦
隘衢公乃署其地為民先矢謨人人儻自為我亦不庇徒下里得
聞之各相俞俞提攜翁及孫捧戴婦與姑壯者負礫石老亦掉
茅芻斤磨片片雪椎隱連連珠朝餐布庭落夜宿完戶樞鄰里近
相告親戚遠相呼驚者自為驚酷者自為酷雞犬豐中市人民歧
下都百年廢滯所一旦與浩區我實司水土得為官事無人言賤
事貴貴直不貴諛此實公所小安用歌袴襦答云潭及廣以至鄂
與吳萬里盡澤國居人皆墊濡富者不容蓋貧者不庇軀得不歌
此事以我為楷模
案鄭公即嚴司空綬

長湖一名瓦子湖在縣東北五十里案各志均作東今以地望上準之從采訪册改作東北

通大漕河匯三湖之水以達於沔其西有龍口水入焉施氏府志水面

空闊無風亦瀾口有吳王壩湖心有擂鼓臺江陵志餘

赤湖在縣東北與瓦子湖相連一名太白湖唐李白曾泊舟於此

故名東出梅家嘴與三湖合流清一統志湖周五十里城下陂池多來

會同水經注

或湖在縣東北七十里與東南諸小湖如沱湖中湖上黨湖五穀

志十二

輿地十二 山川

三

湖潘泊湖勢相接連縣志

女觀湖在縣東北施氏府志柞溪水出江陵縣北東注船官湖湖水又

東北入女觀湖湖水又東入于揚水水經注東晉初荊州將趙誘等

與杜曾戰於女觀湖今湮方輿紀要

按縣境湖澤縱橫難以悉舉又一湖一泊隨地異名愈形糾雜

今即府志所錄載以備考東境如鶴湖香草湖袋兒湖尹家湖

楊林湖大軍湖李白湖孟家湖永豐湖臺湖玉藻湖北湖南境

如王家湖清洋湖裝入湖東北境如東灣湖則與潛江縣境毗

連矣

魯港在龍灣市廣深數丈案即魯洪江下通楊夏諸水以備旱潦施氏府志

長夏港楊夏二水所逕即水經注所謂三湖大港也舊府志謂當

作楊夏港檉柳森蔚渚沙靜杳鳧艇魚罟致極清曠江陵志餘

梅槐港一名梅花港在縣西江水支流由逍遙湖分入逕秘師橋石斗門達於城西之隄今故道久湮不與江通施氏府志

海港在縣西北十三里上下紅橋兩流合而為港地名普法寺寺久廢基畔有水涓涓發源山麓雖旱不絕江陵志餘

泥港在縣東北六十里周廣二十里支流曲浦纏絡町墟焉清一統志

按縣志化港在沙市黃潭之東沿港在鶴穴永興橋東南里許龍居港在鶴穴東南四十里大橋港在古屯寺側並著於此

窖金洲在縣東南十里大江中北對沙市阮文達公元有攷載研經室集內采訪冊

新淤洲在縣東南九十里江中北對鶴穴采訪冊燕尾洲在縣西南十五里縣志江水東逕燕尾洲水經注枚迴洲在縣西南六十里清一統志縣有洲曰枚迴洲江水自此分而

志十二

輿地十二 山川

為南北江北江有故鄉洲洲下有龍洲洲東有寵洲二洲之間世擅多魚其下謂之郢里洲洲有高沙湖湖東北有小水通江名曰

曾口水經注荆州志云州大洲有三首曰枚迴盛宏之以為村名舊云是梅槐合生成樹故曰梅槐中名景里下名燕尾荆南志云此

洲北江呼為薔薇江寰宇記案清一統志謂梅槐合生之說與而訛也今考郢作景乃唐人避諱改郢里別作景里奉城別作蚌城俱是聲相近

九十九洲在縣西六十里分屬枝江松滋二縣界清一統志盛宏之曰自枝江縣西至上明東及江津其中有九十九洲水經注江陵先有

九十九洲桓元為荆州刺史鑿破一洲以應百數隨而崩散太清末枝江楊閣浦復生一洲明年而帝即位承聖末其洲與大岸相

逼惟九十九云南史梁元帝紀下百里洲在縣西萬城隄南江中與上百里洲本係一洲明嘉靖

間水衝洲為二故有上下百里洲之名圖冊詳枝江互

按嘉慶志縣東南境有上姜洲下姜洲永安洲青安洲塌泊洲

石洲白沙洲縣南六里一作十里御路口南有楊林洲又縣志龍洲

相近有天鵝洲

豫章口在縣東南清一統志王宏等率軍至豫章口於江津蟠舟而進

晉書劉毅傳江水又東得豫章口夏水所通也西北有豫章岡蓋因岡

而得名矣或言因楚王豫章臺得名水經注

獐浦穴在縣東南九十餘里鶴穴上九穴之一縣志

鶴穴口在縣東南九十里一名郝穴大江經此分流東北入紅馬

湖清一統志桓元在荆詣刺史殷仲堪行至鶴穴逢一老公驅青牛形

色瓌異元即以所乘牛易之乘至零陵涇溪駿駛非常因息駕飲

牛牛逕入江水不出宋書五行志案清一統志謂郝穴與虎渡為大江南北岸分洩要口明嘉靖初築塞郝

志十二

輿地十二 山川

西

穴大江遂溢隆慶中復濬又縣志云獐浦穴在鶴穴上九穴之一也元大德間重開六穴口江陵則鶴穴監利則赤剝穴石首則宋穴楊林調絃小岳而獐浦不與焉松滋有采穴潛江有里社穴合諸穴而九案鶴穴口明季已塞不與江通矣

江津口在縣南清一統志案宜作東南洲上有奉城亦曰江津成南對馬頭

岸北對大江謂之江津口故洲亦取名焉江大自此始家語云江

水至江津非方舟避風不可涉也郭景純云濟江津以起漲言其

深廣也水經注江水又逕御路口東播於沙市津巷口即古江津口

荆州方輿書

虎渡口在縣西南二十五里大江逕此分流南入公安縣境府志詳

前虎渡河

關汨口在縣東北三十里海子湖南案海子湖即三海之一東連長湖為縣

北境諸水之會采訪冊案縣境水澤縱橫其濱水之地以口名難以枚舉府縣志所列十餘口尚不及十之一也

白馬洲在縣東十里漢水入郡交匯處清一統志

荷葉淵在縣東南十五里又二里為張老淵俱在高王古隄下又有巢伯淵去大江五里相傳昔有巢翁居此清一統志

龍二淵在大江北鶴穴上里許濱大隄潭深不測縣志

天井淵在縣東北十里廣數百步深杳不測縣志

雙鳳淵在郡城公安門外大數百畝乾隆五十三年江水潰隄衝

成深不可測俗呼馬河縣志案府縣志以淵名者尙有十數茲不備載

黃潭在縣東三十里清一統志紹興二十八年監察御史都民望言江

陵縣東沿江北岸古隄一處地名黃潭建炎間邑官開決故入江

水設險禦盜既而潦漲因民訴塞之宜於農隙修補勿致損壞從

之宋史河渠志在大江北逼近江隄內外皆水捍築最難為力舊縣志

五色潭在縣西龍山門外水氣上浮時成五色亦謂之龍潭相傳

下有九牛三鑊以鎮水災又白龍潭在縣北四十里紀山寺後潭

志十二

輿地十二 山川

五

石黯黑相傳有伏龍禱雨輒應清一統志案施氏府志有白小潭在沙市多白小魚今湮

感通泉在草市東嶽廟內清風泉在來龍山右無盡泉在佛華寺

內極甘美縣志

馬跑泉在八嶺山泉出山頂相傳關聖經此所乘馬渴跑地出泉

故名府志

龍陂在縣紀南城西南清一統志龍陂古天井水也廣圓二百餘步在

靈溪東江隄內水至淵深有龍見於其中故曰龍陂水經注案

陂下引晉書武帝紀咸熙四年吳將萬郁寇襄陽遣義陽王望屯龍陂考晉書是泰始四年事咸熙字誤且吳人寇襄陽晉遣義陽王屯龍陂以禦之龍陂當在襄陽北此陂遠在襄陽南又

斯時江陵地屬吳晉人安得屯江陵之龍陂失考甚矣清風池在縣治東北隅方數百步又有明月池皆在分省街南五

代時高氏所開又天鵝池在縣西四十里清一統志

天井在縣東二十里清一統志陽水又東歷天井北井在方城北里餘

廣圓二里其深不測并有潛室見輒兵西岸有天井臺臨際水湄遊憩之佳處也水經注

八角井在縣東下有泉竇通江以水淺深識江流消長後人作石塔鎮之府志

澆花井在縣東南荆州志章臺寺內有沉香井楚靈王所贊也亦名澆花井清一統志

公安縣

江水自江陵縣界又東南至公安縣境清一統志江水又東右合油口

又東逕公安縣北水經注大江自二聖洲入公安縣界又四十里入

石首縣界舊荆州府志江水經公安縣東北境又東南稍折而西而南

至石首縣西境水道提綱江水自江陵縣下砦口入公安縣境東南經

灌洋埠有石磯為古油河口久淤塞又東南逕板橋村舊公安城

志十二

輿地十二 山川

六

東即古孱陵城又東南有斗湖隄潰口分江東南流與黃金港口

左支水合下達薦子溪又東南有鱧魚洲江水自白沙洲頭為小

河逕西辛村有申梓洲平灘洲右岸為隄長四十五里為縣東保

障今下至黃水套入石首縣界圖冊

淪水在縣東清一統志油水東有景口景口東有淪口淪水南與景水

合又南通澧水及諸陂湖水經注城東河水自江陵縣虎渡口分

流入公安縣東北境為東西港又東南流八十里至四水口又四

十里至三汊河分為二一南出安鄉縣景港河一西流通縣南百

里牛浪湖入松滋縣界溪河清一統志引舊志

油水在縣西自松滋縣流入油古作繇一名白石水今名油河清一統志

統南郡高成繇水南至華容入江過郡二行五百里漢書地理志油水

出武陵孱陵縣西界東北入於江縣有白石山油水所出東逕其

縣西與澮水合逕公安縣西又北流注於江水經注

虎渡河即江水支流由江陵彌陀寺李家口入縣境過三穴橋黃

金口港口渡匯孫黃河東南流四十五里至四水口下與澧水會

縣志互詳江陵案施氏府志有城東河已見上淪水注

按隋書地理志公安有靈溪水輿地紀勝在縣南二里府志今無考附著於此

石浦河在縣東明正統初縣令俞雍開今没入江施氏府志

孫黃河在縣南五里自松滋縣流入經縣境孫黃渡下至港口合

流南入於澧施氏府志

緹厥河自松滋縣流入縣境獨口經范家三淵至港關會沱水縣志

泗水口河自尖刀嘴至柳絲潭交澧州界支分經甘家廠至窰頭

注安鄉縣界縣志

志十二

輿地十二 山川

七

鼉穴在縣西南廖解村清一統志三國時有靈鼉鳴此其穴也名勝志

重白湖在縣東四十里清一統志

洋港湖在縣東南十餘里縣志

蒲家湖在縣南三十五里案府志作三十三里又縣南六十里有烏泥湖清一統志

統志案縣志烏泥作淤泥

牛浪湖在縣南又縣西南三十里有斗隄湖其形如斗邑之巨障

又七十里案府志作百里有軍湖清一統志

白水湖在縣西北十里相近有貴紀湖荆州府志

長湖在縣西北自松滋之流市内湖起遠達港關又縣東北亦有

長湖縣志

神油湖在縣北二十餘里茅穗鄉又白蓮湖在縣東北四十里又

二十里有陸遜王茂二湖又有柳浪湖在舊縣西南湖中高阜數

十畝皆種柳清一統志案府縣志縣境有

涪港在縣西六十里寰宇記

洋港在縣東北四十里白蓮湖左又蓮花港黃土港俱在東北板

橋東港黑林港在魯陂清一統志

采石洲在縣東北十里湧出江心上多五色石邑人遊者恆以得

石多寡角勝焉清一統志

濯足池在縣南四十里相傳呂仙濯足於此府志

石首縣

江水自公安縣又東南至石首縣界清一統志江水左得高口又東得

故市口又右逕楊岐山北又東左合子夏口又東左得候臺水口

右得龍穴水口又東得俞口又東得清揚土塢二口右逕石首山

北又東逕赭要又東右岸有清水口又有生江口水經注江水自公

志十二

輿地十二 山川

六

安縣黃水套入石首縣界東南逕楊林市舊有楊林口又西南三

十五里逕藕池口鎮明嘉靖四十五年江水決此同治六年又決

即馬林工潰口又東南二十五里至縣西南繡林山又東南十五

里逕望海有小港古宋穴也元大德時開今淤又北折二十里又南折三

十里逕調弦口南通焦山河東通章華港又東五十里合章華港

又東五里逕塔市驛入監利縣界其江北岸則自江陵縣境蕭子

淵入石首縣界東得支河曰隄頭港又東逕袁家埠折西南江中

有洲曰天心洲長十餘里一名長發洲案舟行至此恒視為畏途逕黃家大路

又南逕老洲頭又東南逕八家埠楊河腦舊有長江水師副將駐

此又東北二十里東逕張家灣又東十里逕查家腦折東北又北

十五里逕齋公橋又東北温馬口十里折東南十二里小河口案

志今漸淤塞江中有洲下至調弦口折東北三十里合劉家溝又

水漲仍通

東十四里逕上新河口又東逕壺瓶套入監利縣界圖册

焦山河在縣東一名焦山港大江支流自調弦口分流逕焦山下

入岳州府華容縣境注洞庭湖清一統志

白楊河在縣南五里水通洞庭湖商賈所集荆州府志

便河在縣西二里通縣南二十五里列口嘉慶志亦作列口達洞

庭湖久塞明正統十一年開濬嘉靖間復濬置官倉於河干民便

輸漕清一統志案縣志此河今淤廢不復得其故道矣

鶴巢湖在縣東三里龍蓋山東北又平湖在縣東十里漑田甚廣

多蓮藕又十里有萬乘湖又二十里有披甲湖又十里有冷水湖

清一統志

白泥湖在縣東南二十里又十五里上津湖又三十里栗田湖府志

瀉油湖在縣南五里黃田湖在縣南十五里山南湖在縣南四十

志十二

輿地十二 山川

九

里府志

熟田湖在縣西南二十五里又二十里田坪址湖施氏府志

曹屯湖在縣西南四十五里相傳魏武屯兵處又縣西四十里有

張屯湖云是張飛屯兵處清一統志

沙湖在縣西十里施氏府志湖在大隄內今沿岡築隄始在大隄外縣志

澧田湖在縣西三十里澧水下流旁匯處上通熟田湖施氏府志

陳家湖在大江之北四十五里府志案府縣志尚有四十餘湖未列里數名不備載

竹林港在縣西北六十里地多竹元大德中江水決於此為隄防

要口清一統志

澧港在縣東北府志五代梁開平二年淮南兵攻石首湘州兵敗之

於澧港方輿紀要

赭要洲在縣東清一統志在大江中次北湖洲下水經注

龍穴口在縣東清一統志大江右得龍穴口江浦右迤北對虎洲又洲

北有龍巢昔禹濟江黃龍夾舟故名水經注案清一統志謂路

荆州輿圖書謂江水過夏口而得龍山故名龍穴當從輿圖

新口在縣東十里縣志

斷岡口在縣東二十五里相傳為楊么所斷以通舟楫清一統志

宋穴口在縣東三十里施氏府志案宋穴口詳見前江水下

調弦穴口在縣東六十里岸上有調弦亭水溢則洩入監利界又

東十里有朱家套清一統志

楊林穴口在縣西施氏府志三十里相近有白沙套又三十里有

西湖口水通澧州安鄉縣入洞庭湖清一統志

小岳穴口在縣西北施氏府志十五里大江北岸水溢時通柳子口

柳子口在縣北六十里水泛時通漢沔清一統志

志十二

輿地十二山川

三

落馬灣在縣東十五里又四十五里有潭子灣相近有李金灣府志

萬石灣在縣西楚望山麓與劉郎浦相近清一統志左連繡林山有石

磯橫臥江上江勢北走至此折而東注灣其滌洄處也府志

瀦水淵在縣西一里逼近大江施氏府志

藕池在縣西五里濱大江明嘉靖四十五年江決於此亦隄防要

口清一統志

廉泉井在縣治前其水瑩潔大旱不涸嘉慶志

監利縣

江水自石首縣界又東入監利縣界南岸與湖南華容巴陵臨湘

三縣分界清一統志江水左得飯筐上口又左會飯筐下口又東逕竹

町南又東左得二夏浦俗謂之西江口又東逕忌置山南山東即

隱口浦又左逕白螺山南水經注江水自石首縣境至壺瓶套入監

利縣界東北流十四里逕窰圻司又十里受下新河水逕縣治西

南五里逕上下太馬洲又東南十五里折而東北十五里逕上車

灣又東八里中車灣又南八里下車灣方輿紀要車木灣在縣東

此明正德初亦衝又西南三十五里鹽船套又南二十五里折東

北又折東十五里又折北稍西十五里尺八口俗名赤今塞又折

南稍東十五里何家埠又五里謝家塘又東南十五里何家洲又

東五里至三江口一名荆河口一名荆河腦洞庭合沅湘諸水會

焉又東北三十五里白螺磯舊有巡檢駐此又十五里楊林磯又

十五里螺山又五里王家堡又十五里浮梁洲入沔陽州界其江

南岸自石首縣境逕塔市驛入監利縣界三十里洪水港又南稍

西五里板陵又南二十五里反觜折東北又東十五里熊家洲又

南迤西五十五里划子灣又東三十五里三江口入湖南界圖冊江

志十一

輿地十二 山川

三

水自石首調弦口又東北折而東南至監利縣西境又東經監利

南境至車灣西折南流屈曲經華容縣東境至岳州府治巴陵縣

西北境始折而東北流洞庭湖南匯沅湘諸水自巴陵縣城之西

北東北流來會自監利至巴陵江水又東北流至荆河口經

白螺司南凡入曲折始會洞庭又東北至螺山南江岸即又東北入沔陽

州界水道

夏水自江陵縣境東流入監利縣界又東流入沔陽州界清一統志夏

水自華容縣東北又東逕監利縣南水經夏水在監利縣東南三

十里一名魯泆江其上流曰大馬長川清一統志引舊

涌水在縣西北從乾溪中湧出俗名乾港湖方輿

楊水在縣東北自江陵縣流入又北入沔陽州界施氏

靈港水在縣西北府志華容縣有靈溪水西通赤湖水經

三汭河在縣東六十里相近有窰廠河荆州府志

大馬河即大馬長川在縣南周環縣境凡二百餘里施氏府志

新衝河在縣西四十里通江陵漕河居民輻輳賴以溉田府志

楊家河在縣西北瀉江陵三湖之水入離湖歷黃歇口注乾溪與

漢合流施氏府志

分鹽河在縣北七十里又有膳脂河相傳陳友諒以此河魚利充

侍妾脂粉費下二里又有橫河北通分鹽三河皆入十里外龍潭

河入沔陽州界清一統志

盛洪堰河在縣北八十里通沔陽界魚利甚多府志

龍潭河在縣北九十里有龍起於中故名府志

朱家河在縣東北今為大市施氏府志

林長河在縣東北三十里嘉慶志兩岸林木最盛府志

志十二

輿地十二 山川

三

柴林河在縣東北一百二十里諸水會合之處界沔陽州府志

雲夢澤在縣南清一統志南郡華容雲夢澤在南漢書地理志監利縣土卑

下澤多陂池西南自州陵東界逕於雲杜沌陽為雲夢之藪郭景

純言華容縣東南巴丘湖是也水經注互詳安陸雲夢

卜子湖在縣東八里城濠諸水皆注此縣志

蔣師湖在縣東十五里清一統志

小沙湖在縣東窖口旁有仙女井施氏府志

白澧湖在縣東六十里清一統志作里波流浩衍羣川所鍾又縣東

有藤纏湖大叱湖小叱湖施氏府志

東江湖在縣東南六十里近江故名府志

朱義湖在縣西南十五里府志

南江湖在縣西又西北三十里有蓮頭湖又縣北六十里有化邱

湖洲平如砥水繞如玦清一統志

白螺案螺宜作鷺緣音近而訛湖在縣西北與江陵接壤受府西諸湖水入楊

河府志

天井湖在縣北六十里清一統志建元初湖水澄清出綿居民采以為

續南齊書祥瑞志

離湖在縣北一百里案縣志作東七十五里又爛泥湖在縣北一百二十里

為眾水之匯施氏府志凡數十處大抵皆沱潛之溢流也案施志謂縣境諸湖

曹鞭港在縣東三十里清一統志相傳曹操自華容步歸擲鞭於此施氏

志府志又温家港在縣北十五里半頭港在縣北三十里縣志

柳港口在縣東三十里相近者曰上洪口又有蓼湖口在縣東八

十里皆濱大江與柳港通府志又小沙口在縣東一百里縣志

尺八口在縣東南九十里施氏府志互詳前江水下

志十二

輿地十二 山川



西江口在縣東南清一統志江水又東左得二夏浦俗謂之西江口水經

注今名荆河腦縣志

錦水口在縣西北四十五里又縣西北五十里黃穴口縣西北五

十五里陳沱口楊水分流入魚泡湖縣西北八十里楊林口潛水

一自謝橋下出此一自梅家觜下新溝觜會此下網埠頭嘉慶志

龍潭口在縣北五里又黃蓬口在縣北四十里周老觜在縣北五

十里府志

毛家口在縣東北二十二里夏水經流處清一統志

上龍淵在縣東三里又東十里有下龍淵旱禱輒應施氏府志

蒲家淵在縣西二十里又三十里水頭淵又縣西六十里石牌淵

劉家淵鄧家淵縣西七十里木頭淵施氏府志

白水池在縣治旁又縣學宮後有瑞蓮池明永樂中產並蒂蓮又

縣治後有小山池又孟家池在縣東一里產千葉蓮清一統志

大城池在縣東南一百里通尺八口相近有許家池其廣如湖民

漁其中清一統志

松滋縣

江水自枝江縣又東至松滋縣界清一統志江水又東逕上明城北其

地夷敞北據大江江水又逕南平郡孱陵縣之樂鄉城北水經江注

水自枝江縣境歷羊角洲入松滋縣界案縣境在大江南岸東北流逕石撒

埠馬峪河入焉又東南黑石溪入焉又東南潘家溪入焉又東南

逕松滋渡即確子口又逕松滋縣治北東南流六里沱老坑四里逕龍

漂埠北又東逕朱家埠北又東逕江亭西有黃家埠新衝口水東

南流通癸巳湖公安志作貴紀又東逕龍華埠草坪北又東逕采穴埠北

有采穴口今湮又東逕澧市驛又東逕史家舖又東入江陵縣界圖册

志十二

輿地十二 山川

三

澧水在縣南源出縣西南起龍山南河出山南北河出山北合而

東流入王家湖至公安縣界入油河今名梅溪河清一統志澧水出高

成縣澧山東逕其縣下東至孱陵縣入油水水經注

涔水隋書地理志南郡松滋有涔水楚辭望涔陽兮極浦王逸注

涔陽江碕名附近郢卽此水之北也施氏府志

竺圍河在縣東三十里縣志

木天河在縣東南三十里縣志

石牌河在縣南上流數百步有龍潭又數里有龍洞下流合澧水

又有裴家河在縣南流入油水又縣南吳仁河自赤岸潭繞劍峰

山麓東流清一統志又紙廠河在縣南澧水所經黑淘河在縣南三十

里冉家廟河在縣南四十五里西崖觜河在縣南五十里界溪河

在縣南百餘里洛溪河橋潭河俱在縣南一百二十里縣志

馬峪河在縣西十五里縣志

邱家湖在縣東三十里中有羅公洲又二十里有馬溪湖西有蓮花墻延互數里又東十里為豆花湖東接張泊南通沙河西通馬

溪北近大隄又二十里張泊湖闊二十餘里接江陵界清一統志

三岡湖在松滋縣東南接公安縣界水環四十餘里中有鐵背岡

湖中岡王家岡相近又有黃家湖唐林湖蝦子湖大口湖大耳湖

水漲則合水落則分又有西湖闊可十里中多菱芡清一統志

按縣志縣東有老鷹湖縣東南有楊林湖采穴東南有董家湖謝家湖南有洋溪湖縣西南有陶家湖附著於此

學前溪自縣城南繞學宮出開口東入江縣志

清幽溪在縣東南四十里自澧州慈利縣流入逕此分為二支一
至公安西之孫黃渡入江一至江陵之虎渡口入江施氏府志

志十二

輿地十二 山川

三

潘家溪在縣西五里又五十五里有洋子溪入唐林湖清一統志

洪溪在馬峪下五里縣志

洋溪在縣西四十里接枝江縣界縣志

嚴家溪柳家溪俱在縣南一百三十里縣志

黑石溪在縣西南八里縣志

板家港在縣東六十三里又縣東南八十里有南港縣志

裏河洲在縣東南九十里四圍河流環繞因名方輿紀要

灤口在縣東南二里縣志案府志縣東五里案府志尚有采穴口今湮

灌一作確子口在縣西一里縣志

石子灘在縣東南一百三十里水流三叉接公安澧州界縣志

龍潭在縣東十里相傳有龍潛此清一統志

余家潭在縣東二十里隄防口清一統志

石泉在縣治東水出石潭中四時不竭清一統志

竹泉在縣南九十里輿地紀勝苦竹寺旁宋至和間有僧浚井得

筆黃庭堅謫黔過之視筆曰此吾蝦蟆碚所遺也因知此泉與之

相通府志案輿地紀勝不載竹泉始見明一統志名勝志從之而引作輿地紀勝誤也府志亦沿其誤

五眼泉在縣南一百二十里又溫水泉湧珠泉中嶺泉白田泉俱

在縣南縣志

六眼泉在縣西南八十里分六眼湧出復合為一清一統志為木天河

之源縣志又吸馬泉亦在縣西南縣志

麻山井在縣西南十五里清一統志

枝江縣

江水自宜都縣又東南入枝江縣界清一統志江水又東過枝江縣南

江汜枝分東入大江縣治洲上故以枝江為稱江水又東會沮口

志十二

輿地十二山川

美

水經注江水自宜都縣境至白水港入枝江縣界過清夾洲逕枝江

城歷洲漏洲羊角洲過松滋縣北又東為上下百里洲自西境

至此凡一百六十里中分三派下流復合為一入江陵縣界舊荆州府志

江水入枝江縣界其南岸白水港自西南合數小水東北流經

縣城西北注之又東南三里經縣城北有洲洲在治東五里江中

其下曰澗洲又下曰關洲又東南里許合一小溪又二里合三郎

溪又五里合徐家溪又七里洋溪北流注之入松滋縣界其北岸

自宜都縣境逕青泥灣入枝江縣界折東南數十里逕董市有董

灘口江中為漏洲下曰壩洲又下曰南渚洲即羊角洲折東南十里蘆

洲下為樺洲江水自此分南北二派與樺洲接者即上百里洲洲頭

有舊治洲在縣治東北洲首在松滋縣治北今自洲首南為苦草洲

下為新洲相接有澌洋洲下為蘆花洲案縣志縣境大小洲凡三十七其十九有人居十八

無人江水又東流逕馬家店過馬廠有小水自南來入又逕江口
居鎮有水自謝家橋流入又東逕鶴子口舊為沮漳合流入江處也
又東入江陵縣界其南曰流店為上百里洲之尾江水與南派會
圖冊案南派自苦草洲下至蘆花洲其南岸係屬松滋縣境江
沱之說互詳江陵又案府志云外江為江內江為沱百里洲夾
江沱之間江之洪流常屬外江道光十年以前尚如故後外江積
年淤淤又沙洲碁布壅塞江中洪流徙行內江而沱勝於江是數
千餘年江流一大變局也

白水在縣西源出於鶴峰州由宜都縣境流入縣界入於大江清一

沮水在縣東北縣志江水東過枝江縣南沮水從北來注之謂之沮

口水經注沮水經當陽縣東南流一百里入沱江寰宇記案施氏

當陽兩河口流至鳳臺入縣境又至婁家洲分流至鶴子口
入江後鶴子口淤塞遂由江陵境之簪箕窪入江互詳江陵
兩江河在縣西北五里西南二水總會流出大江施氏府志

志十二

輿地十二 山川

七

獲湖在縣東南元和郡縣志紀勝引宋沈攸之為荊州刺史堰湖開

瀆民多收穫故名今湮又老雅湖在縣西一里今涸為田施氏府志

孫家湖在縣東北縣志作北七十里清一統志湖分東西地沃可耕縣志

官柴湖在江口距縣治一百里縣志

滄灘湖在縣北一百六十里嘉慶志宋陸游詩百夫正謹助鳴
譁惟聞百丈轉兩車嘔嘔啞啞車轉急舟人已在沙際立霧斂蘆
村落照紅雨餘漁舍炊煙溼故鄉回首已千里上峽初經第一灘
少年亦慕宦遊樂
投老方知行路難

滄茫溪在縣東十五里東流與滄溪合清一統志

滄溪在縣東三十里水通大江江行多避風於此清一統志

三郎溪在縣東南三里石簾之左清一統志

洋溪在縣南接松滋縣界東北入於江清一統志

花溪在縣西南三里施氏府志源通大江春月桃花盛開若蒸霞然名勝

志

沙港在縣東北其源由石子嶺分二支至證盟山南匯為一東流至太平院南以達於沮漳曰漩水港縣志

洲在縣東五里大江中清一統志見前江水下詳

漏洲在縣東六十里清一統志見前江水下詳

百里洲在縣東接江陵縣界清一統志盛宏之曰枝江縣左右有數十

洲槃布江中百里洲最大其中桑田甘果映江依洲水經荆州圖

云其上寬廣上沃人豐陂潭所產足穰儉歲又特宜五穀寰宇記其

西首曰岑頭昔岑彭討公孫述曾經憩於此因名曰岑頭洲輿地紀勝

引元明嘉靖中為江水衝斷分為上百里洲下百里洲縣志互

漸湟洲在縣東南八十里舊為漸湟二洲後併為一約寬五十餘

里有石閘清一統志嘉熙元年枝江曾移治此洲宋史地理志

志十二

輿地十二 山川

天

迤洲在縣東北清一統志縣東北十里土臺北岸有迤洲長十餘里義

熙初武烈王斬桓謙處水經

富城洲在縣東北清一統志縣東南二十里富城洲上有道士范儕精

盧水經

江岔口在縣東四十里江沱分流處縣志

董灘口在縣東六十里荆州府志

江口在縣東九十里府志

石龍口在縣西南十五里縣志

灌子口即確一名松滋渡在縣東北六十里上百里洲南岸陸游

入蜀記云泊灌子口即此又洲北岸有金沙灘府志

堆烏灘在縣東五里響聲如雷入蜀第一灘也清一統志案灘在江北岸今淤為

陸平

龍王潭在縣西一里施氏府志

石筍泉在縣東南六十里其石如筍旁有泉清一統志

花魚泉在縣西南十二里又雞公泉在縣西十六里縣志

蓮花池在縣治前產白蓮則兆豐年又縣南五里許有飲馬池蜀

漢昭烈嘗飲馬於此府志

大通井在縣治西水可療病相近有鐵索井嘉慶志

宜都縣

江水自東湖縣流入宜都縣界清一統志江水又東南過夷道縣北夷

水從佷山縣南東北注之水經江水自東湖縣境虎牙灘入宜都縣

界至清江觜過縣城北六十五里至白水港入枝江縣界清一統志江

水自虎牙灘東入宜都縣界江南岸東南流合漁洋溪水又東南

三十里逕紅花沱一作紅花套合官祿衝水逕後江沱合藍靛溪六十

志十二

輿地十二 山川

无

里出大河口又東南至清江口清江水自縣治西北東流注之古即

夷水又逕縣治北合官港溪又東南十六里合燕子溪又東十里合

馬門溪入枝江縣界其江北岸合馬家溪又逕虎腦背案水道提綱作虎腦

塘又東逕草壩河沙灣塘又得桂溪口又東南逕白洋市案水道提綱白

羊渡口正當宜都縣城之東北合善溪又南合梅子溪盧家河逕沙溪坪折東合

樂溪口又東南逕羅家河塘合馬家溪又東合檀樹溪逕青泥灣

又東北有瑪瑙溪注之入枝江縣界圖冊

丹水在縣西南東北流入清江清一統志丹水出望州山山根東有湧

泉成溪即丹水所發也天陰欲雨輒有赤氣故名又東北注於夷

水水經注

夷水在縣北自長陽縣界流入今名清江清一統志夷水又東逕釜瀨

又東北丹水注之又東北逕夷道縣北而東注又逕宜都郡北東入於江亦謂之佷山北谿水經注清江至白巖舖入宜都縣界過蘄塘灣市至清江口入江荆州府志

漢陽一作洋河在縣西南自長陽縣流入合於清江清一統志源出施南

府之五峰司東北流七十餘里經漁洋關有一水來會又東北流一百三十里至縣西南境有二水先後來會折東北會夷水入於

江縣志

紫溪在縣南源出雙壑洞西流入漢陽河清一統志

富金溪在縣西三十里產竹木柴炭清一統志源出東湖縣之文佛山

荆州府志

机一作機木溪在縣西北三十里逆流溪北遠机木洲入江又十里

白巖溪兩岸險峻竹木叢生施氏府志

志十二

輿地十二 山川

三

梔子溪在縣西北五十里水可灌田又十里有橫溪府志

瑪瑙溪在縣北三十里一名滄茫溪清一統志溪生五色石細紋紅如

瑪瑙青如玻璃輿地紀勝一名瑪瑙河源出當陽縣之玉泉山南流過

東湖縣境乃入縣界又會雅石溪至青莊舖入江夏漲冬涸長二

百餘里縣志

洪溪在縣北三十里又名洪溪河施氏府志

按縣志藍靛溪有五倒流溪有四又有善溪洛溪拖溪扭溪

延洲在縣西北荆門山東陳將呂忠肅為楊素所敗自岐亭退保

荆門之澗洲或以為即枝江之澗洲恐誤方輿紀要

湖里淵在縣西北清一統志夷道縣北有湖里淵淵上橘柚蔽野桑麻

閩日西望佷山諸嶺重峰疊秀青翠相臨時有丹霞白雲遊曳其

上水經注

龍窩在縣東南十五里大江右岸相傳龍潛於此府志

青泥灣在縣東三十里府志

赤魚泉在縣西二十里時有赤魚游泳其中又五里有五眼泉上

有龍祠五竅流泉時有龍見清一統志二泉旱禱輒應施氏府志

雲池在縣北五十里大江中水涸乃見富魚蝦之利府志

鹽井在縣南三里明星嶺東三窟湧出味稍鹹遠近汲之府志

仙井在縣西北三十里宋山上一名仙女井相傳宋時有女羽化

於此旱禱輒應清一統志

無盡井在縣東北十里張商英墓前商英號無盡居士井因以名

施氏府志

東湖縣今改宜昌

江水自歸州界又東入東湖縣界清一統志江水至東界峽歷峽東逕

志十二

輿地十二 山川

三

插竈下又東逕流頭灘又東逕宜昌縣北又東逕狼尾灘而歷人

灘又東逕黃牛山又東逕西陵峽出峽東南流逕故城洲又東逕

故城北又東逕白鹿巖又東歷荆門虎牙之間水經注江水自歸州

境屈溪驛入東湖縣界又東歷達洞灘野貓灘使君灘鹿角灘蜀輜

日流頭灘一名虎頭灘或名狼頭灘有南北二灘狼尾灘皆古險鍋籠

子尤險謂之亂石羅城又有查波灘又歷南虎灘北虎灘大峰灘

三珠灘總名竹節灘俗呼腰站河凡六十里至黃陵廟廟後為黃

牛山山下即黃牛灘最險縣志其下齒列者曰無義灘又十里紅石

子灘左合羅佃溪二十里南沱三漩舊有南沱司左合南沱溪入扇子

峽逕石鼻山一名石牌峽五里蝦蟇碛又過石牌灘獬獬灘偏牢

灘黃茅灘凡二十五里左合大洪溪又五里至平善壩言江流至

此而平也右合暮陽溪稍下右合松門溪過白龍洞灘柎木坑灘

出扇子峽凡十里左合下牢溪過南津關卽下牢戍夷陵故城也

溪北有三游洞西陵峽至此而盡蜀輶日記又五里合長橋溪折南逕

郭洲壩西塞壩爲三江口有大江二江三江之目左合沙溪諸水十里逕東

湖縣治案江水出峽始大東湖以下南北岸分敘江水南岸合姜詩溪十五里合上五

龍溪下五龍溪又東南十里合羅鏡灘溪又東南十里過荆門山

入宜都縣界其江北岸折東繞縣城南五里合天官橋水東南五

里合百子橋水十里合太平橋水厯青草灘又十里合白沙腦溪

五里合臨江溪過五拗子灘又東南十里合磨盤溪又過虎牙山

下有虎牙灘又東南入宜都縣界圖冊

石橋河在縣東四十里自大泉鋪官莊河流經楊樹河歸九溪鋪

河入江縣志

浣紗河在縣西下流合赤溪清一統志

志十二

輿地十二 山川

三

紫草河在縣北一百里府志

板倉河在縣北一百七十里又霧渡河在縣北一百八十里照面

河在縣北一百九十里府志

按縣志所載諸河皆山澗細流來源不遠並由溪以達於江茲

不備載

東湖在縣東三里今淤爲田又南湖在縣南三里府志

范家湖在縣西八里水源自車溪至此匯聚成湖府志

絲蘿溪在縣東二里源出東山寺右經龐家溪沙溪入江府志

臨江溪在縣東南三十里爲縣境大溪源出遠安縣界會董家湖

入江府志

天官橋溪在縣南五里又百子橋溪在縣南十里太平橋溪在縣

南十五里上下五龍溪俱在縣南十五里羅鏡灘溪白沙腦溪俱

在縣南二十五里仙人橋溪在縣南五十里縣志

姜詩溪在縣西南江南岸為一大溪源出車溪會三义口河入於江

府志

捲橋溪在縣西五里又紫陽溪在縣西十里松門溪在縣西四十

里在平善壩西里許山水清遠林木深蔚為峽中勝地歐陽公嘗

遊此府志桃花溪在縣西四十五里暮陽溪在縣西九十里縣志

赤溪在夷陵州西北五里東合大江或謂之東坑方輿紀要

下牢溪在夷陵州西北二十五里有下牢關亦曰下牢戍方輿紀要宋

歐陽修詩隔谷聞溪聲尋溪渡橫嶺清流涵白石靜見行峯景崖花無時歇翠柏鬱何整安能戀潺湲俯仰弄雲影

羅佃溪在縣西北八十里府志

龐家溪在縣北五里縣志

長橋溪在縣北十里一丈溪發源於漳村舖之黃柏河東流經遠

志十二

輿地十二 山川

三

安界復入縣境至兩河口下會沙河由長橋入江府志

按府志云歐陽修集有龍溪黃溪今俱無考

龍泉浦在縣東南二十里清一統志

郭洲在縣西北三里清一統志江水出峽東南流逕故城洲附北岸洲

頭曰郭洲長二里廣一里水經注

西塞洲在縣西北五里赤磯東一名西塞壩清一統志

青草灘在縣東南十五里水漲則平水落則見縣志

虎牙灘在縣東南五十里虎牙山下江石齒齒水漲時則怒濤洶

激舟人避之縣志

流頭灘在縣西一百里清一統志江水又東逕流頭灘其水峻激奔暴

魚鼈所不能遊行常苦之袁山松曰自蜀至此五千餘里下水

五日上水百日也水經注

使君灘在縣西一百一十里大江中漢劉璋遣法正迎昭烈帝入

蜀經此清一統志案明一統志於此灘下引水經云昔楊亮為益州刺史經此覆舟故名考鄭氏敘使君灘於彭水前在

今四川萬縣非此灘也

鹿角灘在縣西一名支水噴吐如雪灘下亂石如困無復寸土清一

統志

狼尾灘在縣西北九十餘里清一統志江水又東逕狼尾灘而歷人灘

袁山松曰二灘相去二里人灘水至峻峭南岸有青石夏沒冬出

其石嶽峯數十步中悉作人面形因之曰人灘水經注

按縣志縣境至歸州界凡四十二灘最險者九白龍洞神龕子

石牌珠南陀三漩無義灘查波灘黃牛灘鍋籠子獺洞灘

屯甲沱在縣西五里西壩相傳晉陸抗屯甲之處俗訛為鄧家沱

又城沱在峽口下距縣十二里南沱距縣六十里四方沱距縣八

志十二

輿地十二 山川

三

十五里茅坪沱距縣九十里又大江南岸有抖船沱距縣四十里

縣志

桃花潭在縣西五里西壩內出桃花魚又源潭距縣四里馬人潭

距縣五里府志又三龍潭距縣一百二十里上下龍潭俱距縣一百

三十里百丈潭距縣一百四十里縣志

甘泉有二一在姜孝子祠水甚甘一在黃陵廟府志

溫泉在縣西清一統志

蝦蟆泉在蝦蟆碛色清味美陸羽所謂天下第四泉也府志

紫蟬泉在咸池舖龍興寺法官泉在大泉舖水如熱湯之沸縣志

洗墨池在縣城東門內星街今建墨池書院府志

雲池在縣南八十里大江中水涸則見縣志

歸州今改名
稱歸縣

江水自巴東縣又東入歸州界清一統志江水又東過秭歸縣之南又

東逕一城北又東南逕夔城南又東逕歸鄉縣故城北又東逕信

陵縣南水經注江水自巴東縣境牛口山十五里入歸州界又東十

里逕上下八斗灘又十五里石門灘北岸有山上合下開緣江步

路所由東二十里洩灘一作葉灘亂石林立水漲極險十里合沙

鎮溪五里老虎口五里叱灘水石相激作叱咤聲江心有石梁九

道名九龍亦名人鮪寶左會叱溪又東逕歸州治南又東南十里

烏牛石蓮花三漩南岸為歸州故城其下為屈原三沱又東五里

石碣灘東南五里過蒲莊河黃牛灘右會蘇溪又東會鄉溪又十

里左會香溪東北五里白狗峽危崖桀竦欲裂東為兵書峽五里

新灘花橋水自南來杉木溪自東北來會十里馬肝峽又東南十

里空船峽岸屈鈴束江心大石力拒洪流名雞翅膀下有黃石阪

志十二

輿地十二山川

三

三珠石又有南文珠北文珠左旋則右觸上撇則下橫冬夏之月

必輕舟卸載始可上下故以空船為名案空船俗訛為通嶺右合南林溪又

東十里過龍鬢沱又過牯牛石羊背灘白水自北來屈溪自南來

竝會又逕黑崖子至屈溪驛入東湖縣界蜀輶日記參圖冊州志

香溪在州東十里自興山縣南流至州境入江其入江處謂之香

溪口一名昭君溪清一統志互詳興山

龍馬溪一名馬鳴溪在縣新灘北又相近有乾溪府志

鄉溪在州東南一名鄉口溪清一統志鄉口溪源出歸鄉縣東南數百

里西北入縣逕狗峽西又西北入江水經注一名九畹溪又名九灣

溪州志案府志九灣溪在州南三十五里

蘇溪在州南五里宜昌府志

五象溪在州南十里一名五相溪傳有屈原碑記明嘉靖間為水

衝沒清一統志又南邏溪在州南十五里茅坪溪在州南一百里府志

沙鎮溪在州西十里溪中有石長十餘丈橫截江心嘉靖間新灘

暴漲一夕忽不見至今稱利涉焉清一統志

深溪在州東北清一統志深溪源北發梁州上庸縣界南流逕信陵縣

注於大江水經注案黃志云叱溪水即深溪水源出興山田家畝西南流三十里入州境

按州境與東湖交界處尙有林家溪南林溪曲溪以上諸溪所

受之水以河名者甚眾皆山澗細流不備載

石碣灘在州東十五里伍相廟下又馬奔灘在城東楚王城對岸

清一統志

新灘在州東南二十五里清一統志新灘南岸曰官漕北曰龍門龍門

水湍激多暗石官漕差可行故舟率由南上然石多銳易穿船為

峽中最險處入蜀記嘉靖二十一年久雨山崩兩岸壁立大石橫填

志十二

輿地十二山川

美

江心天啟五年按察使喬拱壁鑿平之舊州志

達洞灘在州東南與空舫峽近清一統志達洞灘際多奇石五色燦然

可愛或亦有文成物象及符書者入蜀記宋蘇軾詩云扁舟轉

槎牙似雪城番番從高來一一投澗坑大魚不能上暴風灘下橫

小魚散復合瀾澗如遭烹鷓鴣不敢下飛過兩翅輕白鷺誇瘦捷

插脚還欲傾區區舟上人薄技安敢呈只應灘頭廟賴此牛酒盈

策獨立凄然黯槍神木益汲江人起早銀簪篸鬢曉粧新蠻風弊

惡蛟龍雜未敢全誇見在身又江路桃花浪已生新灘穩過失

與倚窗時聽棹歌聲衰遲未覺詩情減又擘吳箋賦楚城

叱灘在州西二里清一統志叱灘即人鮓寶一名黃魔灘在歸州郭下

長石截然據江三之二水盛時濱淖極大號峽中最險處宋范成大集

雷鳴洞在大江之左駭浪激石聲若雷鳴舊經云如噴叱之聲謂

之叱灘雷鳴洞之南分爲三叱官漕口爲上叱雷鳴洞爲中叱黃

石口爲下叱輿地紀勝

洩灘在州西二十里一名葉灘水勢洶湧有洩牀石長三十餘丈行者無不驚怖土人云有洩無新有新無洩蓋新洩二灘水漲則洩險水涸則新險耳府志

獨石灘在州境州志州境有獨石九窺蓮花滑石東奔南浦鱖魚

羊牙龜甲白洞黃石青石諸灘清一統志案府志謂州境於乾隆五十六年報部險灘名目有上

石門飯飯腦老虎石鳥牛石下石門金盤積鋸齒灘上尾灘黃牛灘白狗懸雞心石賴子石天平石豆子石牯牛石射洪磧鼓沈灘

羊背灘蕭家珠石珠皆江行險處也

龍躍泉在城東一里昔人見龍出行雨已復入泉右石壁刻有龍

躍之象今已泐不可見黃氏新志

清冷泉在州東五里出東溪石罅水極清冷清一統志

濯纓泉在州東十里寰宇記相傳為屈原濯纓處內有神蛇人穢

其水即見清一統志案寰宇記不載濯纓泉明一統志亦但云濯纓泉內有神蛇人穢其水蛇輒見此文有誤

志十二

輿地十二山川

卷

獨清泉在州境冬夏不竭清潔甘美清一統志

太平池在學宮牆外嘉慶二十一年知州李所捐濬臥牛埡一源

由將軍堡入城注泮池滿則溢出池中以供民汲州志

烏龍池在州南五十里黃志

溫池在縣南距八角廟二里其水冬暖夏涼四時不竭黃志

鹽井在州境清一統志秭歸有鹽唐書地理志秭歸縣境有青林鹽井九域志

長陽縣

夷水白沙渠入佷山縣水流淺狹纔得通船東逕難留城南又東

逕石室又東與溫泉三水合又東逕佷山縣故城南又東逕虎灘

水經夷水今稱自巴東縣境九灣沱入長陽縣界招徠河自東北

流注之過四楊灘四楊溪自南流注之過沿鄉灘波索灘乾溪灘

青灘五花灘三灘沙嘴灘凡五十里至天池口天池河自南流注

之過太平灘大小長安灘楊木溪自北來會過青洞灘確窩灘確窩溪自南來會又五里至資坵向王溪自北來會過向王灘入峽五里西灣出峽重溪自南來會過虎嘯灘五里入峽至巴山出峽過新灘案嘉慶十一年暴雨巨石塞江鑿之始能行舟故名飛雨灘長灘狗牙灘馬連灘凡十里馬連溪自北來會五里過橙子灘靜安灘分水溪自南來會過胸溪積會胸溪水八里鴨子口故里溪自北來會二十里紋溪自南來會過木灘木溪自北來會三里長楊溪自南來會過州衙灘入峽七里七坵溪自北來會過鱧魚溪五里平樂溪自南來會出峽十里下魚溪自北來會過虎浪灘五里津洋口津洋溪自西北來會過釜瀨灘二十五里白石溪自西北來會北折而東三十里入宜都縣境折南折西十五里復入長陽縣境磨石溪自南來會又東入宜都縣界圖冊

志十二

輿地十二 山川

三

丹水出望州山今名武鍾山

宜昌府志 案清一統志列丹水於宜都

副纜溪在縣城內

清一統志

鵝溪在縣東源自鳳凰山來相近有磨石溪株木溪又有菖蒲溪

中生九節菖蒲旁有釣魚溪

清一統志

拖溪在縣東南

清一統志

煙市溪在縣南三里又南有馬達溪平樂溪蘆溪

清一統志

長楊溪在縣西南

清一統志

谷中有石穴清泉瀆流三十許步復入穴即長楊之源也其水重

源顯發北流注於夷水

水經注

又縣西南七十五里有青石溪

府志

珍珠溪在縣西下有泉眼沸湧如珠又縣西三百里有津洋溪

案

志作西

相近有車溪固昌溪險門溪

清一統志

肆響溪在縣西北相近有紙方溪

清一統志

又木秋溪在縣西北九十

里沿溪在縣西北一百三十里爲津洋溪上流府志

按府縣志又有倒魚溪在縣西十五里城之溪在縣西四十里

隨母溪在縣西六十五里胸溪在縣西七十里靜安溪在縣西

八十里馬連溪在縣西八十五里向王溪在縣西一百二十里

燈盞溪在縣西一百二十五里確窩溪在縣西一百三十里

馬家沱在縣西七十里又厚浪沱在縣西七十五里泗沱在縣西

九十里縣志

漢流井在縣西清一統志

興山縣

建陽峽水在興山縣東源出縣東北西南流會南陽河入香溪今

名建陽河寰宇記源出寧都流逕建陽峽委蛇曲折四十八渡約

十餘里至建陽村中入於香溪清一統志案寰宇記無此文見輿地紀勝及名勝志清一統志引

志十二

輿地十二 山川

三

誤

夏陽河在縣東六十里又響巖河在縣東一百里孔子河亦在縣

東宜昌府志

白沙河在縣西十六里縣志源出老君寨西北東南流入香溪黃氏新志

南陽河在縣西清一統志作西北志三十里發源當陽村東流會深渡河繞

縣城南流入香溪府志

潮水河在縣西二百里每日三潮潮至水湧數丈溝澮皆盈俄而

盡涸縣志

平水河在縣西北九十里又當陽河三溪河俱在縣西北縣志

深渡河在縣北西南流入南陽河清一統志

彈子溪在縣城東關外縣志

香溪在縣東南一里卽縣前河也府志香溪源出昭君村水味美甚

載在水品色碧如黛令人可愛入蜀興山縣有香溪即王昭君所

遊處寰字記 互詳歸州 案黃志云香溪之源有二一為深渡

水凡流二百五里來入一為白沙水凡流二百里來入深渡

可通舟楫者六十里白沙可通舟楫者三十五里皆縣境大水也

又縣東南有大峽水源出縣東北凡流一百四十五里入香溪亦

大水也大里溪在縣南八里相近有小里溪又四郎溪在縣南二十五里

竹溪在縣南三十五里府志新奔灘在縣南五十里又南七十里

有白馬灘皆溪流峻急之處縣志又縣西有響灘縣北有狗兒灘在深溪內八十里水險石峻舟

不能入縣志

黑龍潭在縣東一百二十里縣志

珍珠潭在縣南一里俗傳昭君滌粧遺珠於此故名清一統志

龍口潭在縣西北一百二十里周四十里四時澄清其深莫測深

志十二

輿地十二 山川

四

渡河之源也又白龍潭在縣東北一百里高山上闊數十丈清一統志

清泉在學宮後澄澈清漪深可數丈引流出觀瀾門外會香溪入

大江康熙湖廣通志

瀑布泉在縣東十里奔流下數十丈俗謂白龍鬚府志

溫泉在縣境偏橋峽中澗底出鹽水常溫暖又有龍泉水從平地

湧出灌田千頃縣志

巴東縣

江水自四川巫山縣流入巴東縣界清一統志江水又東逕巫峽歷峽

東逕新崩灘又東逕石門灘水經注江水自巫山縣境又東南流入

巴東縣西北界之萬流驛南驛西即巫山邊魚溪又東八十里經門扇東奔

破石三灘至巴東縣城北曰巴東三峽北岸受小水二南岸受小

水一折東南流經縣東境水道提綱江水自巫山縣界鰾魚溪入巴東

縣境東南十里逕排沱北又五里逕萬流驛南萬流溪注之三里
新崩灘又三十里卓牛灘又五里萬石河注之又八里過門扇峽
至官渡口巫峽至此而盡又十里西瀼口西瀼溪合諸水南流注
之過母豬灘十里東瀼口左受東瀼溪過雲沱又過青竹標灘又
五里逕萬戶沱五里逕巴東縣治北相公溪注之又東二十五里
苟使沱三沱皆有巨漩能覆舟行者必戒又東十里黃梁灘有石
橫互水中五里小石門灘至牛口塘北為牛口山山腳碎石直入
江心水甚洶湧凡十五里入歸州界蜀輅日記
參圖冊
夷水自建始縣境入巴東縣界為九龍潭至野三口野三水入之
又東流合班良河又東南合馬房溪又東南至桃符口合龍窠溪
又東南合龍潭溪又東南合故縣溪又東逕長沱九灣沱入長陽
縣界圖冊

志十二

輿地十二 山川

聖

三潮水在縣東思陽水栗子水俱在縣南又楊柳水在縣西南宜昌府志

三壩河在縣西六十里源出縣西北之九府坪分流為三一流入

房縣界一流入四川大寧縣界一流入西瀼溪清一統志

萬石河在縣西又元渡河在縣西北縣志

東瀼溪在縣西十里源出紫陽山又西瀼溪在縣西二十里源出

孫家巖山俱流入大江清一統志夔人謂山澗之流通江者曰瀼居人

分其左右謂之瀼東瀼西入蜀記

按府志縣東境有白水溪縣西南境有龍窩溪廣渡溪馬房溪

磨刀溪故縣溪苦竹溪秋水溪桃李溪縣西境有東迎溪銅盆

溪瓦窰溪縣西北境有蘿溪黃溪西溪後溪縣北境有清溪楓

溪赤溪均無里數

橫梁灘在縣東二十里有石橫亘水中清一統志

石門灘府志作小石門灘在縣東三十五里中有巨漩清一統志江水又東逕

石門灘水經注

清水灘在縣西十里江水迅急觸而為漩縣境諸灘此為最險清一統志

統志

新崩灘在縣西清一統志江水歷峽東逕新崩灘此山漢永元十二年

崩晉太元二年又崩當崩之日水逆流百餘里湧起數十丈今灘

上有石或圓如篲或方似筍原誤皆崩崖所隕致怒湍流故謂之

新崩灘其頽巖所餘比之諸嶺尚為竦桀水經注

覆磬灘在縣境清一統志縣有覆磬拗頭掉尾板橋龍堆虎怕赤石銅

錢等灘輿地紀勝案縣志縣境尚有將軍入斗三松磨刀母豬青竹標諸灘又有腹裏紅眼二磧

苟使沱在縣東十里又萬戶沱在縣西五里又雲沱在縣西十里

志十二

輿地十二 山川

里

以上三沱皆有巨漩能覆舟行者必戒清一統志

渦龍沱在縣東大江中相傳有靈物宅焉縣志案縣志又有驢子板橋九灣諸沱

相公泉在縣境壽寧寺以寇萊公得名府志

鹽井在縣北八十里清一統志巴東有鹽唐書地理志巴東縣有永昌鹽井

九域志元時嘗置鹽課司後廢舊縣志

塔院井在縣治西嶺上去江五里與江水為消長又陰時井其上

有雲則雨又通幽井下常有鼓樂聲相傳飲此可療疾縣志

長樂縣今改五峯

縣城河一發源於楊花巖石洞一發源於黃連坪一發源於關門

山下會清江始可行舟出宜都茶店子會漢洋河入大江宜昌府志

漁洋關河其源有三一發源於長陽黑灣一發源於出泉洞一發

源於月亮山出宜都茶店子會清江入於大江府志

灣潭河發源於橫岡石洞至百順橋入鶴峯州界府志

長茅河一發源於抵東保之分水嶺一發源於采花保之白崖圈

山腰石洞一發源於碓臼坑會縣城河入清江府志

小黃河在尤溪保栗子坪東北自洞出流二里復入洞清冷漣漪

四時不涸灣環之勢適成九曲人號為小黃河府志

麝香溪在縣東五里即香溝發源於大灣山入洗沙潭縣志

菖蒲溪在縣東二十五里發源於觀埡山下兩岸菖蒲密茂故名

其水由將軍洞泗入縣志

三岔溪在縣東三十里嘉慶志

尤溪發源於瓜萸灣栗子坪下為苦竹溪又下為第四溪歷長陽

苦竹坪入兩河口會清江府志

深溪一發源石門之空桐樹至鶴峰之下洞坪泗入地中古深溪

志十二

輿地十二 山川

望

長官駐此一發源於壺瓶山後至兩河口合南河水府志

石橋溝在縣東八里溝上有栗樹大十圍縣志

百丈溝在尤溪保百丈坡下水自挂榜巖發源至蛇魚泉入於縣

河縣志

金鼇洲在縣北半里許溪中突起一洲長十餘丈寬數丈上多古

木今僅餘一株縣志

灣潭在縣城縣丞署前又縣東十二里有紅魚潭縣志

雙龍泉在縣城南門外承福嶺下縣志

溫涼泉在漁洋關月朗山麓有伏泉秋冬即涸春日暖氣上騰沸

如釜湯農資灌溉夏則冷如冰雪縣志

甘露泉在煙洞子保黃連山下味如甘露縣志

一碗水在升子坪保古樹下井大如碗旱亦不涸縣志

鹹池在菖蒲溪北味鹹故名又天池有四一在白隘塞山一在石
柱山保一在漁洋關保一在長樂坪山上縣志

陰井在縣城學宮旁大旱不竭民資取汲又香水井在縣東麝香
溪上灌田數十畝縣志

鶴峰直隸廳本散州後升
廳今改縣

山河在州境眾山溪水會流東入澧州屬縣界即澗水之上流清一

統志

西溪河在州東南一百六十二里嘉慶志

車東河在州西南流入宣恩縣界又南流入於白水河清一統志

按宜昌府志云州屬東西南三面之水皆歸州治合而南流入
湖南慈利縣境又謂城東水由牛鹿頭蕎陽坪諸溪澗匯於清
水湄與西南徐家莊溪合而伏流至九峰橋洞口乃見與北路

志十二

輿地十二山川

器

水合十里而達州治城西水由三岔口以上諸溪澗東流經茅
坪一帶南折至王家坪受小乾溪水至兩河口與州治水合南
出麂子峽以下水東南流至青猴城受南渡江水至大冶坪
始通舟楫又下江口受大典河水入慈利縣界大典河下之鍊
鑪坪亦可行船江口以上麂子峽以下礮石阻隔疏鑿難施商
船不通尤險處曰黃牯洞曰神門鬼橋曰新崩又西路奇峰關
以上之水至舊建城之小水湄而伏洞長灣以上之水至太坪
鎮之大水湄而伏香溝出龍潭坪至回水套而伏各水均可溉
田又青龍山有水伏流合於大水湄之伏流至麂子峽乃見城
北水由望鄉臺以上諸溪澗南至北佳坪受巴子山以上之水
下至兩河口受石寶以上之水又下至紫雲山受狗兒溪之水
至九峰橋與東路水合而達州治東西北三面之水既皆歸州

注之又二十里爲風水河又五里爲銀潭河又五里南陵渡水合建始縣小河龍駒河自北流注之又五里東繞村水自南流注之又十里忠建渡口又十里紅蘭溪自東南流注之至新渡壩過施州塘入建始縣界施南府志互詳利川

朝貢水在縣東源出宣恩縣萬里山北流入清江又鐵溝水亦在縣東清一統志

按隋書地理志清江有陽瞿水今無考附著於此

白水河在縣南源出將軍山流逕宣恩縣界西南流入來鳳縣界又南流謂之漫水其上流亦名車溪亦謂之酉溪清一統志

黑峒河在縣西南有二源一出咸豐縣西南流過地壩寨逕普落溪西南流入四川黔江縣界亦謂之黔水一亦出咸豐縣西南流至廢龍潭土司東繞其南流至廢唐崖土司界與逕普落溪者合

志十二

輿地十二 山川

吳

流亦稱唐崖河清一統志

頭渡河在縣西南源出咸豐縣東十五里龍洞口清一統志

沙河在縣北三十里有二源一出三十六荒一出二城東流合通

潮溪入清江又縣北四十里有帶河北六十里有灣潭河縣志

會水河在縣北八十里有二源一出甘水埡一出龍潭灣合流會

龍馬溪入清江府志又縣北九十里有龍駒河東入建始界縣志

盤龍溪在縣東六十里有泉夏涼冬溫熱氣綿延數里府志

七渡溪在縣東一百六十里南流出兩河口入清江府志

紅蘭溪在縣東一百八十里斑鳩崖下北流入清江府志又縣東南

百里有靈陽溪近鶴峰界縣志

木里溪在縣東源出長望洞曲折數百里沿溪萬山深僻旁有平

地可耕清一統志

見龍溪在縣東戎角村舊名黑摩溝咸豐七年六月龍見於溪中

因名縣志

龍坪溪在縣東南二百餘里合細沙溪縣志

巴公溪在縣南一里許有二源一出藥山一出鼓樓山合於翠濤

山下至城南入清江府志又巴公溪上流里許為梅溪縣志

金印溪在縣南三十里源出銀鑛山東流合覆盆水又東合石板

溪北流三十里入清江清一統志

黃連溪在縣南七十里案清一統志源出鹹池會硃砂溪入於天

樓河府志

麒麟溪在縣西南半里府志源出施州衛西境諸山洞中奔流成溪

至夏水極冷亦名冷水河逕客星山下又東北經城南東入清江

明一統志又縣西南七里有龜溪縣西南三十清一統志餘里有硃砂

志十二

輿地十二 山川

七

溪合黃連溪東北流入清江縣西南五十里有芭蕉溪縣西南七

十里有九龍溪源出紅崖山東北流入清江縣西南一百九十里

有菖蒲溪縣西南三百四十里有黔黎溪源出北荒府志

藥水溪在縣西郭外源出西山繞城西而南入清江府志

腰帶溪在縣西五里源出西山流逕宜山南入麒麟溪清一統志

虎溪在縣西十三里源出虎口洞縣志

丹陽溪在縣西案府志一百七十里案清一統志此源出石乳山

東流六十里入清江一名龍溪嘉慶志

龍馬溪在縣北一百里案府志作南流逕觀音崖入清江相傳牧

馬河濱產龍駒故名一名沱水一名帶河清一統志

九渡溪在縣北二百里源出四川彭水縣石柱司流入縣界至都

亭山下東入清江居民引水溉田府志

通潮溪在縣東北南近連珠山源出大龍洞其水日消長如潮因

名清一統志

蟠龍溪在縣東北清一統志在施州驛北馬公泉下俗傳昔有龍盤於

此方輿勝覽

播鼓灘在縣北五里清江內其聲如鼓府志

超場潭在縣東二十五里蓮花池東舊為民田名超場壩嘉慶末

始滙成潭府志

龍潭在縣東一百一十里水自平地涌出成潭歲旱禱雨輒應又

小龍潭在縣北三十里縣志

銀瀑在縣東一百八十里斑鳩崖上飛瀑如銀修篁間之望如珠

簾府志

馬公泉在縣北一里宋嘉祐中運使馬某按部至州以城跨山不

志十二

輿地十二 山川

吳

可鑿井乃相視水脈以竹引此泉入城中公私賴之因立祠其上

號馬公泉又城北有宜泉味為縣境諸泉之冠清一統志

嘉蓮池在縣治前舊名鼓角池宋端拱元年生嘉蓮故名府志

蝦蟆池在縣南一百二十里池多蝦蟆方春水生輒跳擲出岸間

前趾變為羽隨眾禽飛去土人常得之雀網中府志

龍池在縣西北一百六十里相傳有龍潛此清一統志

龍岡井在縣治東迴龍山下景泰中鑿甘冽異常嘉慶志

宣恩縣

邑前河發源咸豐縣境百餘里至縣境東流會新司河合忠建河

至分水河入清江施南府志

東鄉河源四一出於油煤界一出於山羊溪一出於內口溪合流

出新司河四水會流出湧洞河與縣前河會同入忠建河府志

高羅河源於東門關二仙崖石洞湧出瀑布百餘丈逐溪西南流合李溪崖鳳溪龍溪鉛廠溪南流合忠尚河入來鳳縣卯尚府志又縣東南一百六十里有白水河與高羅河合縣南一百五十里有川箭河縣南一百六十里有李家河縣西南一百四十里有冉大河縣志

慶陽壩河水源一出杉樹嶺一出香花嶺一出小鴉口合流由老茶溪至水田壩入洞伏流十餘里復出流入恩施縣界縣志

玉帶溪在縣東七十里又縣東一百三十里有大白溪府志

老鴉溪在縣東南一百六十里又縣東南一百七十里布袋溪縣志

洗白溪在縣南一百四十五里又燕子溪沙河溪俱在縣南一百

五十里縣志

志十二

輿地十二 山川

完

細沙溪在縣境源出東門山流入龍平溪清一統志

白鳳溪在縣境源出東門山流入酉溪名三江口清一統志

弄羅溪在縣境相近有車弄溪清一統志

白沙溪在縣境又有白石三花等溪俱入清江又石壁石板溪其

旁有九曲溪合流入清江清一統志

瑪瑙湖在縣東南一百八十里府志

石廠溝在縣東南七里又市路溝在縣南一百四十里象鼻溝在

縣南一百六十里賈家溝鍋匠溝俱在縣南一百八十里又桶匠

溝在縣西北六十里縣志

龍泉在縣東七十里洗硯溪上產魚極美又縣東一百五十里有

三眼泉縣西南一百六十里有魚泉府志又湧泉在下高羅南坑圓

如白水自下湧出四時不竭造酒甚佳縣志

仙女池在縣東九十里相傳明玉珍選譚向二女入宮二女不肯結伴投池死後池生蓮花府志

白鶴井在縣東保慶山下又桂花井在縣西潘家溝縣志

來鳳縣

佛潭案嘉慶志作佛塘河在縣東十五里懸崖峭壁水深不測下有神魚

禱雨立應源出鶴峰州將軍山歷宣恩境為白水河西南流即五溪之酉溪也初入縣界為佛潭河於諸水為最大逕縣東南二境計程一百二十餘里為縣水宗幹其自東北來者一北來者三西來者四西南來者三東南來者二計水十有三道皆注焉匯為大河入湖南界施南府志

東門河一出花廠至小河溪經乾元寺一出大溝經乾溪過龍崗橋曲折至牌坊合流繞縣東而南入河府志

龍觜河在縣南三十里兩山對峙壁立千仞縣治諸水與龍山鼈水合流處府志

志十二

輿地十二 山川

辛

漫水河在縣南八十里匯各水入卯崗大河府志

水溪在縣境源出後山繞縣西而東南流至虎七溪入白水河又有達車溪芭蕉溪俱在縣境清一統志

老虎灘在縣西六十五里一源於天山坪一源於白巖山至大河壩合流出峽口至體河入大河府志

花魚泉在縣東北二十里又鳳山泉在半邊城白石穴出匯為二池甘冽清香又紅魚泉在貞肅里縣志

涼水井在卯崗司後山味甚甘縣志

咸豐縣

頭渡河在縣東十里源出龍洞施南府志

西北河在縣西二十里有二溪合流下入山峒中清一統志二溪合流

至天生橋伏流二十里至唐崖復出入龍潭河府志

萬頃湖在縣境接四川彭水縣界清一統志湖在縣西南一百八十里

積玉山澗水所匯也府志大田所有萬頃湖明史地理志

普樂溪在縣境一名普落溪流入黑峒河清一統志

兩會溪在縣境積玉山水匯流清一統志

瀑布泉在縣東三十里泉出崖間如飄素練府志

清水泉在縣境有二色俱如藍靛清一統志泉在縣東一百里縣志

墨池在縣城北水泉香美旁多黑石又馬家池在縣西北七十里

縣志

杜家塘在縣東五里許大數畝其深莫測府志

雙龍塘在縣南五十里二塘相去丈許水色清潔俗傳昔有雙龍

志十二

輿地十二 山川

至

躍此府志

廣利井在縣城內觀音橋下泉甘冽不竭邑人取給焉府志

利川縣

清江即夷水源出四川邊界經石砭廳之白楊渡入利川縣境至磁

洞伏流三十里至七藥山紅鶴花壩復出東南至龍潭三渡河自

西南注之至馬橋屯平溝河自西南注之又伏流數十里復出為

雪照河馬溪水自東南注之又伏流三十里至恩施縣境木撫村

復出施南府志清江源出施南府西北境與四川之石龍關東交界之

山東南曲曲流百餘里又合三水北流至火鋪塘西北山伏焉北

踰重山復流出折而東流又數十里至恩施縣北境水道提綱互詳恩施

前江在縣境源出七藥山西南流會後江又西至馬崖峽入四川

彭水縣界又後江源出前口西流入前江嘉慶志案黃志云縣境有名之水四一曰清

江卽夷水凡都亭山七藥山星斗山北諸水皆入焉一曰忠路水
卽明史地理志所稱前江後江水而誤爲施南土司前江後江者
也語在沿革表凡七藥山西南星斗山西北諸水皆入焉一曰施
南水卽明史地理志所稱前江後江而誤以忠路土司前江後江
當之者也凡星斗山以西諸水皆入焉一曰建南水凡都亭山以
北諸水皆入焉

官渡河在縣前至乾洞伏流數十里復出嘉慶志

雪照河在縣東五十里落水洞水至此湧出亂石激湍不可揭厲

兩岸峭壁層崖天光一綫山腰多洞人跡罕到府志

龍菁河在縣西一百八十里縣志

兩會河在縣境一出中道河一出獅子壩至老屋基兩水會焉縣志

沙溪在縣南二百十五里嘉慶志

黑溪在縣西南六十里縣志

清灘溪在縣西一百八十里嘉慶志

革井溪在縣境相近又有相應溪清一統志

志十二

輿地十二 山川

三

按府志有激雪溪下皆石罅眾流激搏若噴雪然

桂花潭在縣西一百八十里又卧牛潭在柏楊上流三里許有石

如牛縣志

石馬泉在縣西一百七十里產洋魚不時出府志

鳳凰池在忠路西南寬約四十丈四時清潔不涸府志

建始縣

清江卽夷水自恩施縣施州塘入建始縣境尹家村水自南流注之

又三里眠羊口水自北流注之又三十里入巴東縣界施南府志

縣前河府志作廣潤河源出縣西北當陽壩羣山啤吼隱蔽天日

泉從山罅懸注而下俗呼紅巖水漂流漸遠羣溪湊之經龍門子

晏公潭由縣城西南遶而東行有小河自馬關溪入之又東二十

餘里與兩溪會下爲馬水河縣志



馬水河在縣東三十里縣志案府志作十五里

野三河在縣東一百五里源出深油坪會毛茸河入清江縣志

羊芋河在縣東一百二十里縣志

毛茸河在縣東一百四十里源出龍潭坪南流為枝津河下為毛

茸河至巴東縣境入清江縣志

五家河在縣東南二百四十里兩崖黑石嵌空羣流噴湧又縣東

南二百九十里有茶寮河與鶴峰州交界府志

龍駒河在縣南四十里清一統志案源出石乳關東流為太陽

河經麂子渡下始名龍駒河又東流至大沙河下會南里渡入清

江大沙河即馬水河下流也嘉慶志縣西北水皆會焉府志

米水河在縣西十五里白石洞流出若米汁然府志

茨河在縣西北二里源出紅土坪泉水溢出清於諸水繞城西南

志十二

輿地十二 山川

五

入大河府志

石乳河在縣北五里源出徐家溝東南流繞縣城與支澆河會支

澆河自麻城寺石洞發源東南流至城東與石乳廣潤諸河會焉

府志

交養河一名小河自觀音崖發源遶朝陽觀東流入廣潤河府志

兩溪河在縣北自蒲潭溪折而西北有桐木溪南有木瓜河俱自

西北來會故亦名兩會河曲折東流與廣潤諸河會縣志

東落河在縣東北九十里源出望坪流三十餘里水漸寬又十餘

里至鷹背觀山開豁若門水入之捕魚者可循崖進入稍深則落

水洞人跡不能到矣水潛行二三里自山南出與馬水河下流合

入清江府志

小溪在縣南二十里自縣北當陽坡發源繞南轉西流入恩施縣

界注於清江一名龍溪河清一統志縣有建始溪又有桐木溪皆在縣北東流合小溪九域志

志十二

輿地十二 山川

五

輿地志十二